

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 241479 24 St
Zenica, 03.10.2024. godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja Društvo za trgovinu i usluge AJDO-PROM d.o.o. Zenica, Bistua Nuova b.b., Zenica, koga zastupa Muvedeta Direković, direktor društva, za otvaranje stečajnog postupka nad samim sobom kao stečajnim dužnikom kao podnositeljem prijedloga, 01.10.2024.god., donio je sljedeće:

R J E Š E N J E

Pozivaju se vjerovnici i zainteresirane osobe da u roku od 30 dana od dana objavljivanja poziva na oglasnoj tabli suda, web stranici suda-elektronskoj tabli suda i u Službenim novinama F BiH, predlože otvaranje stečajnog postupka i uplate predujem za obezbjeđenje troškova stečajnog postupka u iznosu od 5.000,00 KM na depozitni račun suda, broj: 134-010-0000044837 otvoren kod ASA Banke d.d. Srajevo, Poslovnica Zenica.

Ako vjerovnici i zainteresirane osobe ne predjume iznos naveden u stavu jedan ovog rješenja u određenom roku u ovom rješenju, upozoravaju se da će stečajni sudac otvoriti stečajni postupak i odmah zaključiti postupak nad društvom Društvo za trgovinu i usluge AJDO-PROM d.o.o. Zenica, Bistua Nuova b.b., Zenica.

Ako zainteresirana osoba predloži otvaranje stečajnog postupka i uplati predujem u navedenom roku stečajni sudac će otvoriti stečajni postupak i voditi ga u skladu sa odredbama Zakona o stečaju.

O b r a z l o ž e n j e

Predlagatelj stečajni dužnik Društvo za trgovinu i usluge AJDO-PROM d.o.o. Zenica, podnio je 08.02.2024. godine, prijedlog za otvaranje stečajnog postupka nad društvom dužnikom Društvo za trgovinu i usluge AJDO-PROM d.o.o. Zenica, Bistua Nuova b.b., Zenica,

Predlagatelj je na ročištu za ispitivanje uvjeta za otvaranje stečajnog postupka izjavio da ostaje kod prijedloga za otvaranje stečajnog postupka i da nema primjedbi na Izvještaj privremenog stečajnog upravitelja.

Privremeni stečajni upravitelj je na ročištu za ispitivanje uvjeta za otvaranje stečajnog postupka izjavio da na osnovu iskazanih finansijskih vrijednosti u bilanci stanja na dan 31.12.2023. godine društvo nema evidentirana stalna sredstva, zalihe, novac na blagajni, niti bilo kakvu drugu imovinu. Izjavio je da obveze iskazane u bilanci stanja na dan 31.12.2023. godine iznose 86.157,00 KM i imaju tendenciju stalnog rasta, da društvo ima otvorena 2 računa u BiH i to BBi Banci i Ziraat banci koji su blokirani od 11.04.2022. godine, da društvo ne obavlja svoju registriranu djelatnost duže od tri godine, niti ima mogućnosti da se poslovanje može nastaviti. Izjavio je da kako imovina stečajnog dužnika ne postoji i nije dovoljna za pokriće troškova stečajnog postupka, to su ispunjeni uvjeti da stečajni sud otvori stečajni postupak koji se neće provoditi u čl. 102 stav 7. Zakona o stečaju. Privremeni stečajni upravitelj je istakao da prijedlog za otvaranje stečajnog postupka nije podnesen u zakonskom roku te da daje sljedeće mišljenje: Društvo nema imovine koju bi obezbijedio i o kojoj bi se starao privremeni stečajni upravitelj, društvo ostvaruje negativan finansijski rezultat, gubici u poslovanja se kumuliraju kao i obveze, uz činjenicu da društvo ne može izmiriti nikakve obveze, ostvarili su se zakonski razlozi za otvaranje stečajnog postupka, tj.razlog za otvaranje stečajnog postupka je platežna nesposobnost jer je pravilo da je društvo platežno nesposobno ako u neprekidnom trajanju od 60 dana ne izmiruje svoje dospjele obveze, što je kod ovog društva evidentno iz činjenice da je račun blokirani od 11.04.2022. godine i da na istom nema sredstava. Izjavio je da je prijedlog za pokretanje stečajnog postupka podnesen 08.02.2024. godine od strane ovlaštenog predlagatelja tj. zakonskog zastupnika i nije podnesen u zakonskom roku koji je predviđen čl. 63. stav 7 alineja b. tj

obveze su dospjele i potraživane. U pogledu uvjeta iz člana 100 Zakona o stečaju (troškovi stečajnog postupka), izjavio je da se troškovi stečajnog postupka ne mogu namiriti iz imovine koja bi spadala u stečajnu masu, jer ista ne postoji, te da se nad društvom može otvoriti stečajni postupak, da je on dopušten i da postoji stečajni razlog za otvaranje iako imovina stečajnog dužnika nije dovoljna za pokrivanje troškova stečajnog postupka.

Izjavio je da kada su u pitanju obveze društva iste iznose 82.424,97 KM, i odnose se na dugovanja prema vjerovnicima, obveze prema bankama, te obveze prema Upravi za indirektno oporezivanje, te je predložio da se pozovu vjerovnici radi pokrića troškova stečajnog postupka da predujme iznos od 5.000,00 KM, na ime eventualnog vođenja stečajnog postupka te ukoliko vjerovnici ista sredstva ne uplate da sud donese rješenje kojim će istovremeno otvoriti i zaključiti stečajni postupak.

Kako stečajni dužnik ima obveze, a nema imovine, pa ni za troškove stečajnog postupka, to je sud primjenom odredbe čl. 102. stav 7.8. i 9. Zakona o stečaju („Sl. Novine F BiH“ broj: 53/2021), pozvao povjeritelje i zainteresirane osobe da predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ako su zainteresirani za vođenje stečajnog postupka, kod situacije kada nema imovine stečajnog dužnika iz koje bi se mogle namiriti obveze, pa ni sami troškovi otvaranja i vođenja stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka.

S obzirom na izloženo odlučeno je kao u izreci ovog rješenja primjenom odredbe čl. 102. stav 7.8. i 9. Zakona o stečaju. Ovim rješenjem povjeritelji i zainteresirane osobe su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajna sutkinja
Sanja Pavlić